



**საქართველოს გაერთიანებული
წყარმომარაგების კომპანია**
UNITED WATER SUPPLY COMPANY OF GEORGIA

**აუდიტორული მომსახურების შესყიდვა
გამარტივებული ელექტრონული ტენდერი**

(შესყიდვის კატეგორია 79200000 - საბუღალტრო, აუდიტორული და ფისკალური მომსახურებები;
CPV 79212000 - აუდიტორული მომსახურება)

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე

ქ. თბილისი
2015 წელი

სარჩევი

1. ტექნიკური მოთხოვნები	3
2. სახელმწიფო შესყიდვის შესახებ ხელშეკრულების პროექტი	4
3. დამატებითი ინფორმაცია	8
4. დანართი N1,	9
5. დანართი N2,	10
6. დანართი N3	11
7. დანართი N4	12
8. დანართი N5	13

1. ტექნიკური მოთხოვნები

- 1.1 შესყიდვის ობიექტია შ.პ.ს „საქართველოს გაერთიანებული წყალმომარაგების კომპანიის“ 2015 წლის საკუთარი სახსრებით აუდიტორული მომსახურების შესყიდვა.
- 1.2 შესყიდვის სავარაუდო ღირებულებაა 19700 ლარი, დღგ-ს გარეშე.
- 1.3 პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა ის დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.
- 1.4 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.5 პრეტენდენტის მიერ სისტემაში ტექნიკურ დოკუმენტაციის სახით ატვირთული უნდა იყოს:

- 1.5.1 რეკვიზიტები დანართი N1-ის მიხედვით;
- 1.5.2 ფასების ცხრილი დანართი N2-ის მიხედვით.
- 1.5.3 თანხმობა სატენდერო დოკუმენტაციის დანართი N3 გათვალისწინებულ პირობებზე (ტექნიკური პირობები).
- 1.5.4 ინფორმაცია ანგარიშსწორების შესახებ დანართი 4-ის შესაბამისად.
- 1.5.5 ინფორმაცია ანალოგიური მომსახურების გამოცდილების შესახებ დანართი N5-ის შესაბამისად და ამ მომსახურების გაწევის დამადასტურებელი დოკუმენტების ასლები (ხელშეკრულება, მიღება-ჩაბარების აქტი, საგადასახადო ანგარიშ-ფაქტურა ან მომსახურების გაწევის დამადასტურებელი სხვა დოკუმენტი). (პრეტენდენტს 2012 წლიდან წინამდებარე სატენდერო დოკუმენტაციის სისტემაში ატვირთვის დღემდე უნდა გააჩნდეს ანალოგიური (აუდიტორული) საქმიანობის არანაკლებ 30000 ლარის გამოცდილება)
- 1.5.6 პერსონალის (რომელიც უშალოდ იქნება ჩართული აუდიტორული მომსახურების გაწევაში) აუდიტორის კვალიფიკაციის დამადასტურებელი სერთიფიკატი.

1.6 ანგარიშსწორების პირობები:

- 1.6.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით (გარდა დღგ-სი).
- 1.6.2 ანგარიშსწორება მოხდება უნაღდო ანგარიშსწორებით ლარში.
- 1.6.3 დაფინანსების წყარო შპს „საქართველოს გაერთიანებული წყალმომარაგების კომპანიის“ 2015 წლის სახსრები.
- 1.6.4 ანგარიშსწორება განხორციელდება ეტაპობრივად, ფაქტიურად გაწეული მომსახურების მიხედვით, მიღება-ჩაბარების აქტისა და სხვა დოკუმენტაციის (საგადასახადო ანგარიშ-ფაქტურა დღგ-ს გადამხდელის შემთხვევაში) წარდგენიდან 10 (ათი) კალენდარული დღის ვადაში.
- 1.6.5 წინასწარი ანგარიშსწორება არ გამოიყენება.

1.7 მომსახურების გაწევის პირობები, ვადები:

- 1.7.1 გასაწევი მომსახურება უნდა აკმაყოფილებდეს დანართი N3-ის (ტექნიკური დავალება) მოთხოვნებს.
- 1.7.2 მომსახურების გაწევა განხორციელდება ეტაპობრივად, შემსყიდველის მოთხოვნიდან 10 (ათი) სამუშაო დღის განმავლობაში, ხელშეკრულების გაფორმებიდან 2015 წლის 27 დეკემბრის ჩათვლით.
- 1.7.3 მიმწოდებელი პასუხისმგებელია მის მიერ გაწეულ მომსახურებაზე და შედგენილ დასკვნაზე.
- 1.7.4 მომსახურების გაწევა განხორციელდება მიმწოდებლის ხარჯით, საქართველოს მამულებით, საჭიროების შემთხვევაში.
- 1.7.5 აუდიტორული დასკვნის მიწოდება უნდა განხორციელდეს მიმწოდებლის ხარჯით, შემსყიდველის მისამართზე: ქ. თბილისი, ვაჟა-ფშაველას ქ. N768 შპს „საქართველოს გაერთიანებული წყალმომარაგების კომპანიის“ ცენტრალური ოფისი.
- 1.7.6 მიმწოდებელმა მომსახურების გაწევისას უნდა წარმოადგინოს საგადასახადო ანგარიშ-ფაქტურა (დ.ღ.გ-ს გადამხდელის შემთხვევაში).

1.8 სატენდერო წინადადების ფასი:

- 1.8.1 პრეტენდენტმა უნდა წარმოადგინოს გასაწევი მომსახურების ფასების ცხრილი დანართის N2 მიხედვით.
- 1.8.2 სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით გარდა დღგ-სი.
- 1.8.3 სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში-ლარში.
- 1.8.4 დანართ N-2 ში მოცემული რაოდენობები საორიენტაციო ხასიათისაა და შემსყიდველი უფლებამოსილია მისი საქმიანობისას წარმოქმნილი საჭიროებიდან გამომდინარე ცალმხრივად (დამატებითი შეთანხმების გარეშე) მოახდინოს მისი ცვლილება პრეტენდენტის მიერ შემოთავაზებული ფასების გათვალისწინებით ხელშეკრულების საერთო ღირებულების ფარგლებში.

შენიშვნა:

- სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი უნდა იყოს ხელმძღვანელის ან პრეტენდენტის უფლება მოსილი პირის მიერ უფლებამოსილების მინიჭების დამადასტურებელი დოკუმენტის წარმოდგენით.

ხელშეკრულება სახელმწიფო შესყიდვის შესახებ (პროექტი)

ქ. თბილისი

_____ 2015 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილის მისი დირექტორის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, „სახელმწიფო შესყიდვის შესახებ“ საქართველოს კანონისა და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი ----- შესყიდვის ობიექტის მოკლე აღწერა შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაწიოს მომსახურება შემდეგ თანხაზე: -----

(ხელშეკრულების თანხა ციფრებით, სიტყვიერად და ვალუტის ჩვენებით) (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება გამარტივებულ ელექტრონულ ტენდერში და ასრულებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს შემსყიდველისათვის აუდიტორული მომსახურების (79212000 - აუდიტორული მომსახურება) გაწევა.
- 2.2 ხელშეკრულებით გათვალისწინებული გასაწევი მომსახურების ზუსტი აღწერა მოცემულია (დანართი N_), რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის ფასი განისაზღვრება ლარებში.
- 3.2 ხელშეკრულების სავარაუდო ჯამური ღირებულება შეადგენს ----- (-----) ლარს.
- 3.3 ხელშეკრულების ზუსტი ღირებულება გამოითვლება ფაქტიურად გაწეული მომსახურების მიხედვით.
- 3.4 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ ყველა ხარჯსა დღგ-ს ჩათვლით (დღგ-ს გადამხდელის შემთხვევაში) და საქართველოს კანონმდებლობით გათვალისწინებულ გადასახადს.
- 3.5 დანართ N-ში მოცემული რაოდენობები საორიენტაციო ხასიათისაა და შემსყიდველი უფლებამოსილია მისი საქმიანობისას წარმოქმნილი საჭიროებიდან გამომდინარე ცალმხრივად (დამატებითი შეთანხმების გარეშე) მოახდინოს მისი ცვლილება პრეტენდენტის მიერ შემოთავაზებული ფასების გათვალისწინებით ხელშეკრულების საერთო ღირებულების ფარგლებში.

4 ანგარიშსწორების წესი

- 4.1. "მიმწოდებელთან" ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
- 4.2. დაფინანსების წყარო შპს „საქართველოს გაერთიანებული წყალმომარაგების კომპანიის“ 2015 წლის საკუთარი სახსრები.
- 4.3. ანგარიშსწორება განხორციელდება ეტაპობრივად, ფაქტიურად გაწეული მომსახურების მიხედვით, მიღება-ჩაბარების აქტის საფუძველზე და სხვა დოკუმენტაციის (საგადასახადო ანგარიშ-ფაქტურა დღგ-ს გადამხდელის შემთხვევაში) წარდგენიდან 10 (ათი) კალენდარული დღის ვადაში.
- 4.4. წინასწარი ანგარიშსწორება არ გამოიყენება.

5 შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, რომელშიც აღნიშნული უნდა იყოს გაწეული მომსახურების ჩამონათვალი, ღირებულება, ჯამური თანხა, მომსახურების ხარისხობრივი შესაბამისობა ხელშეკრულების პირობებთან, ხელშეკრულების რეკვიზიტები, მიღება-ჩაბარების გაფორმების თარიღი და ადგილი.
- 5.2. მიღება-ჩაბარების აქტს შემსყიდველის მხრიდან ხელს მოაწერს, შპს „საქართველოს გაერთიანებული წყალმომარაგების“ კომპანიის შპს „საქართველოს გაერთიანებული წყალმომარაგების კომპანიის“ ქონების მართვის სამსახურის უფროსის მოადგილე.

6. მომსახურების გაწევის პირობები

- 6.1. გასაწევი მომსახურება უნდა აკმაყოფილებდეს დანართი N___-ში მოცემულ მახასიათებლებს.
- 6.2. მომსახურების გაწევა განხორციელდება ეტაპობრივად, შემსყიდველის მოთხოვნიდან 10 (ათი) სამუშაო დღის განმავლობაში, ხელშეკრულების გაფორმებიდან 2015 წლის 27 დეკემბრის ჩათვლით.
- 6.3. მიმწოდებელი პასუხისმგებელია მის მიერ გაწეულ მომსახურებაზე და შედგენილ დასკვნაზე.
- 6.4. მომსახურების გაწევა განხორციელდება მიმწოდებლის ხარჯით, საქართველოს მაშტაბით, საჭიროების შემთხვევაში.
- 6.5. აუდიტორული დასკვნის მიწოდება უნდა განხორციელდეს მიმწოდებლის ხარჯით, შემსყიდველის მისამართზე: ქ. თბილისი, ვაჟა-ფშაველას ქ. N76ბ შპს „საქართველოს გაერთიანებული წყალმომარაგების კომპანიის“ ცენტრალური ოფისი.
- 6.6. მიმწოდებელმა მომსახურების გაწევისას უნდა წარმოადგინოს საგადასახადო ანგარიშ-ფაქტურა (დ.ღ.გ-ს გადამხდელის შემთხვევაში).

7. მხარეთა უფლება-მოვალეობანი

- 7.1. **„შემსყიდველი“ უფლებამოსილია:**
 - ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
 - ბ) მომსახურების გაწევის დასრულებამდე გამოითხოვოს „მიმწოდებლისაგან“ მისთვის საჭირო დოკუმენტი.
- 7.2. **„შემსყიდველი“ ვალდებულია:**
 - ა) უზრუნველყოს „მიმწოდებლის“ მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3. **„მიმწოდებელი“ უფლებამოსილია:**
 - ა) მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4. **„მიმწოდებელი“ ვალდებულია:**
 - ა) უზრუნველყოს აუდიტორული დასკვნის მიწოდება.
 - ბ) უზრუნველყოს მომსახურების გაწევა ტექნიკური პირობების შესაბამისად;
 - გ) უზრუნველყოს მისი ბრალეულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.
 - დ) უზრუნველყოს საჭიროების შემთხვევაში დანართად ფოტო მასალის წარმოდგენა CD დისკზე.

8 ხელშეკრულებით ნაკისრი ვალდებულებების შესრულების ინსპექტირება

- 8.1 "მიმწოდებლის" მიერ ხელშეკრულებით ნაკისრი ვალდებულებების შესრულების, გაწეული მომსახურების ხარისხის კონტროლის ინსპექტირებას განახორციელებს შპს „საქართველოს გაერთიანებული წყალმომარაგების კომპანიის“ ქონების მართვის სამსახურის უფროსის მოადგილე.
- 8.2 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

9 . ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.
- 9.2 ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.
- 9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 9.5 ამ მუხლით გათვალისწინებული საჯარიმო დ პირგასამტეხლოს თანხები დაუკავდება მიმწოდებელს გაწეული მომსახურების ღირებულებიდან, იმ შემთხვევაში თუ მომსახურება არაა გაწეული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ გაწეული მომსახურების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და გაწეული მომსახურების ღირებულებას შორის არსებული სხვაობა შესმსყიდველის სასარგებლოდ.

10 ხელშეკრულებაში ცვლილების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.3 „შემსყიდველი“ ვალდებულია 10.2 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

- 12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაშია ხელშეკრულების გაფორმების დღიდან და მოქმედებს 2016 წლის 31 იანვრის ჩათვლით.

15 სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მხარეთა რეკვიზიტები:

”შემსყიდველი”

”მიმწოდებელი”

2 დამატებითი ინფორმაცია

1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში მიმართვის შემთხვევაში: ქ. თბილისი, ვაჟა-ფშაველა 76 ბ

საკონტაქტო პირი: **ნანა გახოკიძე**

ტელეფონი: **+995 5 77 38 11 37; +995 32 2919060 (150)**

ელ.ფოსტა: **n.gakhokidze@water.gov.ge**

2. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

რეკვიზიტები

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული ფოსტა:	
	ბანკი:	
	ბანკის კოდი:	
	ანგარიშის ნომერი:	

პრეტენდენტის ხელმოწერა -----

ფასების ცხრილი

#	მომსახურების დასახელება	სავარაუდო რაოდენობა	ერთეული ქონების შეფასების ღირებულება (დასკვნა)	სულ მომსახურების ღირებულება	შესრულების პერიოდი
1	სასოფლო-სამეურნეო და არასასოფლო-სამეურნეო დანიშნულების მიწის ნაკვეთის საბაზრო და ნორმატიული ღირებულების განსაზღვრა და დასკვნის შედგენა;	25			
2	საცხოვრებელი და არასაცხოვრებელი დანიშნულების შენობა-ნაგებობის საბაზრო და ნორმატიული ღირებულების განსაზღვრა და დასკვნის შედგენა;	15			
3	ავტოსატრანსპორტო საშუალების ღირებულების განსაზღვრა და დასკვნის შედგენა;	10			
4	დროებით სარგებლობაში გადასაცემი ან მისაღები ქონების შეფასება და დასკვნის შედგენა;	5			
5	ძირითადი საშუალებების საიჯარო ღირებულების დადგენა და დასკვნის შედგენა, რომლის გაქირავებას ან დაქირავებას შემდგომში განახორციელებს კომპანია;	10			
6	განკარგულებით, თანადაფინანსებით, ჩუქებით, სუფსიდიით და სხვა გზით გადმოსაცემი ფინანსური სახსრების კაპიტალში ასახვისათვის საჭირო დასკვნის შედგენა;	15			
7	კომპანიის კაპიტალიდან ამოსაღები ფინანსური სახსრების ასახვისათვის სათანადო დასკვნის შედგენა.	10			

პრეტენდენტის ხელმოწერა _____

ტექნიკური პირობები

აუდიტორული მომსახურების შესყიდვა უნდა განხორციელდეს შემდეგი პირობებით:

1. პრეტენდენტმა უნდა უზრუნველყოს „საქართველოს გაერთიანებული წყალმომარაგების კომპანიისათვის აუდიტორული მომსახურების გაწევა, საქართველოში მოქმედი კანონმდებლობის, საქართველოში მოქმედი აუდიტორული სტანდარტების და ამ სფეროში მოქმედი სხვა ნორმატიული აქტების შესაბამისად.
2. საჭიროების შემთხვევაში მომსახურების გაწევა განხორციელდება საქართველოს მასშტაბით, მიმწოდებლის ხარჯით.
3. საჭიროების შემთხვევაში დანართად ფოტო მასალის წარმოდგენა CD დისკზე.
4. პრეტენდენტს 2012 წლიდან წინამდებარე სატენდერო დოკუმენტაციის სისტემაში ატვირთვის დღემდე უნდა გააჩნდეს ანალოგიური (აუდიტორული) საქმიანობის არანაკლებ 30000 ლარის გამოცდილება
5. პრეტენდენტის პერსონალს რომელიც უშვალოდ იქნება ჩართული აუდიტორული მომსახურების გაწევაში, უნდა გაჩნდეს აუდიტორის კვალიფიკაციის დამადასტურებელი სერტიფიკატი.
6. აუდიტორული დასკვნები წარმოდგენილი უნდა იქნას ქართულ ენაზე.

პრეტენდენტის ხელმოწერა_____

ინფორმაცია ანგარიშსწორების შესახებ

1. სატენდერო წინადადებაში საერთო ფასი გამოსახულია საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით (გარდა დღგ-სი)..
2. ანგარიშსწორება მოხდება უნაღდო ანგარიშსწორებით ლარში.
3. ანგარიშსწორება განხორციელდება ეტაპობრივად, ფაქტიურად გაწეული მომსახურების მიხედვით, მიღება-ჩაბარების აქტისა და სხვა დოკუმენტაციის (საგადასახადო ანგარიშ-ფაქტურა დღგ-ს გადამხდელის შემთხვევაში) წარდგენიდან 10 (ათი) კალენდარული დღის ვადაში.
4. წინასწარი ანგარიშსწორება არ გამოიყენება.

პრეტენდენტის ხელმოწერა_____

ინფორმაცია ანალოგიური მომსახურების გამოცდილების შესახებ

N	გაწეული მომსახურების დასახელება	ვადები		შემსყიდველი	გაწეული მომსახურების ღირებულება	შენიშვნა	CMR-ის ნომერი
		დასაწყისი	დასასრული				SPA- ნომერი
1	2	3	4	5	6	7	8
1							
2							
3							
4							
5							
6							

პრეტენდენტის ხელმოწერა_____

შენიშვნა:

ცხრილის მე-8 სვეტი ივსება მხოლოდ იმ შემთხვევაში თუკი მომსახურება გაწეულია შემსყიდველი ორგანიზაციის დაკვეთით და ხელშეკრულება ატვირთულია შესყიდვების ერთიან ელექტრონულ სისტემაში;